

勅 三清上帝 勅 玉皇上帝 勅 紫微大帝
勅 中書 勅 中書 勅 中書

三天元 使我絕 告示諸 九州社
命教 妖氛 鬼王 令神

太陽火 三太陰道 一切諸 今曰齊
光起 皇君 天帝 欣慶

願賜度 東方行 南方行 西方行
生靈 瘧使者 瘧使者 瘧使者

北方行 中央行 疾速遠去 天瘟
瘧使者 瘧使者 奉教而行 使者

牛瘟 家瘟 電瘟 鬼瘟 一切廟
使者 使者 使者 使者 瘟布疫

使 準教 三官 急急 親承 速起
者 奉行 大帝 奉命 瘟神

行瘟 準命 敢有 劈碎 速去
使者 欽承 拒逆 身形 速去

不得 勅赦已降
留停 恩出上清



救呪

至我大道元始符命神風靜默山嶽巖雲混
元微妙體合自然一炁流行育養群生順我
者昌違我者殃太上玄都呪同救遣發

書符存用

端坐凝神定息炷香叩齒三通誦金光呪
及三天內諱想金光映射紙筆墨朱硯之
中書符默奏上帝請降三諱入符救字蓋
符下圈內加玉帝諱再內重加救救二字
默想金光四射萬神稽首並皆遵奉應是
天瘟歲診各回本部師復神謝恩而畢
道法會元卷之二百一十九

道法會元卷之二百二十

神霄遣瘟送船儀

步虛呪水洒淨畢默念

天無氛穢地絕妖塵冥慧洞清大量玄玄一
如告命 次炷香啓告云

九天之上惟道獨尊萬法之中燒香為首爐
繞馥郁氣乃氤氳上通三境十天下徹八門
九地為祥為瑞招聖招靈或繚繞虛空結成
雲霧或徧周法界散作煙霞一捻纒焚萬靈
洞鑒兼錄弟子兼職事兼謹與辭讓信人兼

同誠恭焚寶香一心啓告供養

神霄玉清真王長生大帝六天洞淵大帝伏
魔天尊神霄啓運諸大祖宗真君雷霆三省
真君北極四聖真君三元得道真君上清十
一大曜雷霆威神真君北斗九皇樞轄真君
南斗六司執法真君天罡大聖節度真君三
洞四輔經錄神仙真師主宰雷霆大師汪真
君金門羽客林王侍宸真人地司主法金鼎
妙化先生皇甫真人地司演派列位宗師大
變三十六變祖師小變二十四變祖師開江

造河祖師遮前斷後祖師陰存陰變祖師陽存陽變祖師不存自變祖師諸階法派前傳後度歷代師真雷震諸司帥將助道昭化威神惟願降臨受令啓告次焚信香虔誠關白都天太歲武光至德尊神地主將殷元帥

贊神侯將軍副帥王將二元帥十二靈兇大將七十二候二十四氣神君金鐘黃鉞大神黃幡豹尾神君本佩法錄諸司官君帥將次伸焚香關白所奉香火福德神真鄭庭藏府王侯五通七寶祀典諸神城隍廟主土皇司命土地等神前後把門立禁帥將吏兵三界四直功曹符使虛空感降神祇同賜來臨受今關白輒以香茶表誠供養

獻茶

寂然不動感而遂通大音希聲叩之必應奉為鄉貫其處其人是以恭投道法乞為辭穰用祈保祐以今結造華船敬伸拜錢向來告白之次恭詣患室之中請起瘟司行化王神卦中占出一切等鬼請上華船受今拜送仰憑法派祖師地司官將大賜密扶即乞開江

造河不存自變出離斯舍期保病安庶道法以昭彰使人神而欽畏稽首稱念神威遠鎮天尊不可思議功德

令人捧船于患室或廳上仍具酒牲祭儀于船所在然後祭獻

香煙散彩瑞氣浮空揭寶篆以拈香對華船而拜手焚香重伸奉請

神霄真王大帝洞淵三昧太一天尊法府上聖高真祖師帥將本家香火司命六神降赴船筵證明辭錢謹焚真香敬伸拜請

天符天令大帝雷音電吼不動尊王聖父妙化天君聖母善惠夫人恭望降臨船筵證明拜錢次焚真香奉請

泗洲普照明覺禪師和瘟師主臣阜真人治病趙使天符都天元帥地符押瘟副元帥主瘟侍即六眼判官降赴船筵證明拜錢次焚信香虔誠奉請

東方青帝喬木聖者南方赤帝炎火聖者西方白帝利金聖者北方黑帝洪水聖者中央黃帝真土聖者降赴華船受令辭錢次焚信

香虔誠奉請

主年新令魔王太歲尊神左右三天符使押瘟太保主瘟朗公大伯元帥行病使臣天符使者十二年五月十二月將降赴華筵受令拜錢再焚信香虔誠奉請

天瘟地瘟二十五瘟神君天蠱地蠱二十四蠱神君天瘵地瘵三十六瘵神君降赴華船受令拜錢次焚信香虔誠奉請

七十二候使者二十四炁聖衆行瘟大判官依藥主事行猪羊牛馬瘟疫使者癘毒使者祛災使者地分神王后土里令風火即君麻痘娘娘苦飲婆婆發汗判官乍寒乍熱神君蕪頭縛腦神君行麻種痘神君五種咽喉神君赤眼瀉痢神君嘔吐衄血神君又心釘腹使者寒熱使者降赴華船受令辭錢次焚信

香虔誠奉請

天殃地殃人殃鬼殃神君天白虎地白虎年白虎月白虎神君日白虎時白虎六甲旬中白虎神君五方喪車白虎神君五方雌雄破射棺榔浴盆神君三坵五墓神君日間送怪

神夜間送夢神依草附葉神已來災神未來
災神已布毒神未布毒神瘟司行化一該王
神降赴華船受今解錢次焚信香虔誠奉請
五方山檀木鬼四方廟社神祇金銀銅鐵之
精靈檣爇床爐之古恠或為牛羊鴉鴨或為
衣物錢財假公害私掩錢負債遠年近日我
里他邦五方冤詛怨氣大神或自外來或自
內起或家神勾引或土地通同托夢送恠諸
般鬼祟陣亡枉死連親客亡血河女鬼為禍
神鬼請上華船受今辭錢伏頭香車雲馬彩
仗風馳惠然肯來列駕班於座次不期而會
鑒雀舌以款啗無任恭虔淨茶供養
伏以大聖奉天符而行令本是化人小民庸
露悃以歸依從而徼福輒敷文疏上清聖聰

宣疏

常加警省下土之頑愚莫曉未能悔悛禍福
無門惟人自召否泰應運於理存焉若知改
過從新可以避禍就福惟善則吉遵道而行
順者伏而逆者殃辭得行而遺得去今有某
結造茅舟一舫請迎瘟部眾神出於十字路
頭虔以三牲酒禮敬伸祭送用保平安重伸
開請本佩法中諸司官將地司元帥本家香
火六神一合前來棹起陽船陰船五鳳仙船
戮力收起五方為禍瘟邪等鬼或在男人身
前女人身後房廊屋角應于去處盡行收上
畫船各各齊赴華筵受今辭送上體好生之
德下矜悔過之誠挽和炁以致祥轉兇殃而
作吉伏願鑒陳凡禮束結身裝擺齊悉候王
神呼喚兒郎子弟收拾蒞蒞樂跳上畫船中
相呼相喚水雲鄉戴笑戴言蓬島外和數句
臨江仙曲百十餘里舉頭空唱一聲下水船
歌三十六灣彈指過社令城隍齊斷送家神
土地盡隨行道遙徑返於洛陽便是神王安
穩處請離此席毋輒起赴奉送行軒遊遊前
道

存前先後暗送神舟出門到化船所念云
神本無私默運應通之理人能有請潛垂昭
格之靈以今焚香重伸告白
天符瘟司合部聖眾患身為禍一切鬼神以
今奉為兼特備酒牲凡儀敬伸祭奉仰惟洋
洋在上濟濟齊臨俯歆菲薄之儀大賜鴻庥
之福茂彰厥德式副虔祈
以淨水洒于祭儀上念化食呪曰
天洞天真玉液成瓊一分變十分變百
分變千分分化萬萬分化億億分化兆變化
無窮普同供養
向來獻呈酒禮已遂周圓備以畫船裝載經
幡錢馬等儀敬伸焚化奉送
天符歸天界地符歸地中七十二候布嘉祥
二十四氣收毒藥月將出離一月難年三除
却一年災攝毒收瘟引領一該之眾流恩降
福庭生數口之家行莫回頭去毋轉面張帆
鼓浪齊登楚岸之舟擊鉦鳴鐸快返洛陽之
道道進前邁奉送行軒
變化望燎左手飛南斗一座存六星光芒

炎炎如火鈴之狀態呪曰

火鈴交熾洞煥八方萬神侍衛永斷不祥急

急如丹天流金火鈴律令

存諸神鬼盡乘火鈴之光返歸空界萬化

寂然叩齒而退

道法會元卷之二百二十

道法會元卷之二百二十一

渭士

神霄道瘟治病訣法

存變法未入患家之先依此存變為妙

先須凝定叩齒念淨天地呪三徧存太虛

寥廓四炁朗清以次念金光呪三徧存天

門金光萬道仰面吸金光吹布一身存金

光洞煥風伯雨師雷公電母狂風驟雨霹

靂交轟前光後暗雷神將帥前後擁護行

如狂風坐如鼎石到病家坐了茶至接下

在手吹炁一口心存雷火燒去鬼毛鬼炁

然後方食但是一應飲食皆宜存變然後

食之

造道瘟神盤法用潔淨交茅為之做成小瓶亦可

先用啓告祖師帥將祝白事意請降恩命

變化外以淨水嚙洒神盤呪曰

吾今上奉祖師渭士旨命造起千眼神盤造起東

路神盤造起南路神盤造起西路神盤造起

北路神盤造起中路神盤存五路神盤念

向來建造神盤已獲整備謹請五路神光照

開千眼神盤謹勅東路毫光速起謹勅南路

毫光速起謹勅西路毫光速起謹勅北路毫

光速起謹勅中路毫光速起以天明天帝日

子中則向四方存五路毫光洞煥

向來開發五路毫光已行完整請起神盤前

赴患身其人病房之中裝送時行瘴氣遣發

瘟部威神送入天津返歸空界庶俾患身安

愈家道清寧瘟風變作祥風冷氣翻成和氣

一如玄科律令急急奉行

却撞神盤赴病房中就作用起水存水泛

氾泛起神盤直入房中放下于患人床前

神盤內用香一爐燈一蓋法師同信人捻

香一炷畢即叩齒三通揚聲念

信香一焚雲布十方叩齒三通流光萬里急

準神霄玉清真王長生大帝律令謹伸闕白

大符都天總管金容元帥渭士只今準奉

帝命謹退見患身前身後今年奉符行病

一切威神三十六候神君七十二候神王十

二年王十二月將神王二十四炁神王主瘟

聖公監瘟聖母布炁大神發汗大神押瘟太

尉時瘟炁候白虎王神邪巫枉死陣亡妖恠